

(चतुर्थोऽध्यायः ॥ वर्गाः 1-31)

(23)

86

(म.10, अनु.7)

ऋषिः इन्द्रः 1,8,11-12,14,19-22, इन्द्राणी 2-6,9-10,15-18, वृषाकपिः ऐन्द्रः 7,13,23	
छन्दः पङ्क्तिः	देवता इन्द्रः

वि हि सोतोरसृक्षत् नेन्द्रं देवममंसत। यत्रामदद्वृषाकपिर्यः पुष्टेषु मत्सखा विश्वस्मादिन्द्र उत्तरः ॥ 1 ॥	
परा हीन्द्र धावसि वृषाकपेरति व्यथिः। नो अह प्र विन्दस्यन्यत्र सोमपीतये विश्वस्मादिन्द्र उत्तरः ॥ 2 ॥	
किमयं त्वां वृषाकपिश्चकार हरितो मृगः	
यस्मा इरस्यसीदु न्वर्यो वा पुष्टिमद्वसु विश्वस्मादिन्द्र उत्तरः ॥ 3 ॥	
यमिमं त्वं वृषाकपिं प्रियमिन्द्राभिरक्षसि	
श्वा न्वस्य जम्भिषदपि कर्णे वराहयुर्विश्वस्मादिन्द्र उत्तरः	॥ 4 ॥
प्रिया तृष्टानि मे कपिव्यक्ता व्यदूषत्	
शिरो न्वस्य राविषं न सुगं दुष्कृते भुवं विश्वस्मादिन्द्र उत्तरः	॥ 5 ॥
न मत्स्त्री सुभसत्तरा न सुयाशुतरा भुवत्	
न मत्प्रतिच्यवीयसी न सक्थ्युद्यमीयसी विश्वस्मादिन्द्र उत्तरः	॥ 6 ॥
उवे अम्ब सुलाभिके यथेवाङ्ग भविष्यति	
भसन्मे अम्ब सक्थि मे शिरो मे वीव हृष्यति विश्वस्मादिन्द्र उत्तरः	॥ 7 ॥
किं सुबाहो स्वङ्गुरे पृथुष्टो पृथुजाघने। किं शूरपति नस्त्वमभ्यमीषि वृषाकपिं विश्वस्मादिन्द्र उत्तरः ॥ 8 ॥	
अवीरामिव मामयं शरारुभि मन्यते। उताहमस्मि वीरिणीन्द्रपत्नी मरुत्सखा विश्वस्मादिन्द्र उत्तरः ॥ 9 ॥	
संहोत्रं स्म पुरा नारी समनं वाव गच्छति	
वेधा ऋतस्य वीरिणीन्द्रपत्नी महीयते विश्वस्मादिन्द्र उत्तरः	॥ 10 ॥
इन्द्राणीमासु नारिषु सुभगामहमश्रवम्	
नह्यस्या अपरं च न जुरसा मरते पतिर्विश्वस्मादिन्द्र उत्तरः	॥ 11 ॥
नाहमिन्द्राणि रारण सख्युर्वृषाकपेऋते	
यस्येदमप्यं हविः प्रियं देवेषु गच्छति विश्वस्मादिन्द्र उत्तरः	॥ 12 ॥
वृषाकपायि रेवति सुपुत्र आदु सुस्रुषे	
घसत्त इन्द्र उक्षणः प्रियं काचित्करं हविर्विश्वस्मादिन्द्र उत्तरः	॥ 13 ॥
उक्षणो हि मे पञ्चदश साकं पचन्ति विंशतिम्	
उताहमस्मि पीव इदुभा कुक्षी पृणन्ति मे विश्वस्मादिन्द्र उत्तरः	॥ 14 ॥
वृषभो न तिग्मशृङ्गोऽन्तर्यूथेषु रोरुवत्	
मन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः	॥ 15 ॥
न सेशे यस्य रम्बतेऽन्तरा सक्थ्याः कपृत्	
सेदीशे यस्य रोमशं निषेदुषो विजृम्भते विश्वस्मादिन्द्र उत्तरः	॥ 16 ॥
न सेशे यस्य रोमशं निषेदुषो विजृम्भते	
सेदीशे यस्य रम्बतेऽन्तरा सक्थ्याः कपृद्विश्वस्मादिन्द्र उत्तरः	॥ 17 ॥

अयमिन्द्र वृषाकपिः परस्वन्तं हतं विदत् |
 असिं सूनां नवं चरुमादेधुस्यान् आर्चितं विश्वस्मादिन्द्र उत्तरः || 18 ||
 अयमैमि विचाकशद्विचिन्वन् दासमार्यम् |
 पिबामि पाकसुत्वन्तोऽभि धीरमचाकशं विश्वस्मादिन्द्र उत्तरः || 19 ||
 धन्वं च यत्कृन्तत्रं च कति स्वित्ता वि योजना |
 नेदीयसो वृषाकपेऽस्तमेहि गृह्णोऽपु विश्वस्मादिन्द्र उत्तरः || 20 ||
 पुनरेहि वृषाकपे सुविता कल्पयावहै।य एष स्वप्नंशनोऽस्तमेषि पथा पुनर्विश्वस्मादिन्द्र उत्तरः || 21 ||
 यदुदञ्चो वृषाकपे गृहमिन्द्राजगन्तान्।क्रशस्य पुल्वघो मृगः कमगञ्जनयोपनो विश्वस्मादिन्द्र उत्तरः || 22 ||
 पर्शुर्ह नाम मानवी साकं संसूव विंशतिम् |
 भद्रं भल त्वस्या अभूद्यस्या उदरमामयद्विश्वस्मादिन्द्र उत्तरः || 23 ||

(25)

87

(म.10, अनु.7)

ऋषिः पायुः भारद्वाजः	छन्दः त्रिष्टुप् 1-21, अनुष्टुप् 22-25	देवता रक्षोहा अग्निः
----------------------	--	----------------------

रक्षोहणं वाजिनमा जिघर्मि मित्रं प्रथिष्ठमुपं यामि शर्म |
 शिशानो अग्निः क्रतुभिः समिद्धः स नो दिवा स रिषः पातु नक्तम् || 1 ||
 अयोदंष्ट्रो अर्चिषा यातुधानानुपं स्पृश जातवेदः समिद्धः |
 आ जिह्वया मूरदेवान् रभस्व क्रव्यादो वृक्त्व्यपि धत्स्वासन् || 2 ||
 उभोभयाविन्नपं धेहि दंष्ट्रां हिंस्रः शिशानोऽवरं परं च |
 उतान्तरिक्षे परिं याहि राजञ्जम्भैः सं धेह्यभि यातुधानान् || 3 ||
 यज्ञैरिषूः संनममानो अग्रे वाचा श्ल्याँ अशनिभिर्दिहानः |
 ताभिर्विध्य हृदये यातुधानान् प्रतीचो ब्राहून् प्रति भङ्ध्येषाम् || 4 ||
 अग्रे त्वचं यातुधानस्य भिन्धि हिंसाशनिर्हरसा हन्त्वेनम् |
 प्र पर्वाणि जातवेदः शृणीहि क्रव्यात्क्रविष्णुर्वि चिनोतु वृक्णम् || 5 ||
 यत्रेदानीं पश्यसि जातवेदस्तिष्ठन्तमग्र उत वा चरन्तम् |
 यद्वान्तरिक्षे पृथिभिः पतन्तं तमस्ता विध्य शर्वा शिशानः || 6 ||
 उतालब्धं स्पृणुहि जातवेद आलेभानादृष्टिभिर्यातुधानात् |
 अग्रे पूर्वा नि जहि शोशुचान आमादः क्षिवङ्कास्तमदन्त्वेनीः || 7 ||
 इह प्र ब्रूहि यत्तमः सो अग्रे यो यातुधानो य इदं कृणोति |
 तमा रभस्व समिधा यविष्ठ नृचक्षसश्चक्षुषे रन्धयैनम् || 8 ||
 तीक्ष्णेनाग्रे चक्षुषा रक्ष यज्ञं प्राञ्चं वसुभ्यः प्र णय प्रचेतः |
 हिंस्रं रक्षांस्यभि शोशुचानं मा त्वा दभन्यातुधाना नृचक्षः || 9 ||
 नृचक्षा रक्षः परिं पश्य विक्षु तस्य त्रीणि प्रति शृणीह्यग्रा |
 तस्याग्रे पृथीर्हरसा शृणीहि त्रेधा मूलं यातुधानस्य वृश्च || 10 ||

त्रियर्थातुधानः प्रसितिं त एत्वृतं यो अग्रे अनृतेन हन्ति |
 तमर्चिषा स्फूर्जयञ्जातवेदः समक्षमेनं गृणते नि वृद्धि | 11 ||
 तदग्रे चक्षुः प्रति धेहि रेभे शफारुजं येन पश्यसि यातुधानम् |
 अथर्ववज्योतिषा दैव्येन सत्यं धूर्वन्तमचितं न्योष | 12 ||
 यदग्रे अद्य मिथुना शपातो यद्वाचस्तृष्टं जनयन्त रेभाः |
 मन्योर्मनसः शरव्याः जायते या तया विध्य हृदये यातुधानान् | 13 ||
 परा शृणीहि तपसा यातुधानान् पराग्रे रक्षो हरसा शृणीहि |
 परार्चिषा मूरदेवाञ्छृणीहि परासुतृपो अभि शोशुचानः | 14 ||
 पराद्य देवा वृजिनं शृणन्तु प्रत्यगेनं शपथा यन्तु तृष्टाः |
 वाचास्तेनं शरव ऋच्छन्तु मर्मन् विश्वस्यैतु प्रसितिं यातुधानः | 15 ||
 यः पौरुषेयेण क्रविषा समङ्के यो अश्व्येन पशुना यातुधानः |
 यो अघ्याया भरति क्षीरमग्रे तेषां शीर्षाणि हरसापि वृश्च | 16 ||
 संवत्सरीणं परं उस्त्रियास्तस्य माशीद्यातुधानो नृचक्षः |
 पीयूषमग्रे यतमस्ति तृप्सात्तं प्रत्यञ्चमर्चिषा विध्य मर्मन् | 17 ||
 विषं गवां यातुधानाः पिबन्त्वा वृश्चन्तामदितये दुरेवाः |
 परैरान् देवः सविता ददातु परा भागमोषधीनां जयन्ताम् | 18 ||
 सनादग्रे मृणसि यातुधानान्न त्वा रक्षांसि पृतनासु जिग्युः |
 अनु दह सहमूरान् क्रव्यादो मा ते हेत्या मुक्षत दैव्यायाः | 19 ||

त्वं नो अग्रे अधरादुदक्तात्त्वं पश्चादुत रक्षा पुरस्तात् |
 प्रति ते ते अजरास्तपिष्ठा अघशंसं शोशुचतो दहन्तु | 20 ||
 पश्चात्पुरस्तादधरादुदक्तात्कविः काव्येन परि पाहि राजन् |
 सखे सखायमजरौ जरिम्णेऽग्रे मर्ता अमर्त्यस्त्वं नः | 21 ||
 परि त्वाग्रे पुरं व्यं विप्रं सहस्य धीमहि । धृषद्वर्णं दिवेदिवे हन्तारं भङ्गरावताम् | 22 ||
 विषेण भङ्गरावतः प्रति ष्म रक्षसो दह । अग्रे तिग्मेन शोचिषा तपुरग्राभिर्ऋष्टिभिः | 23 ||
 प्रत्यग्रे मिथुना दह यातुधानां किमीदिना । सं त्वा शिशामि जागृह्यदब्धं विप्र मन्मभिः | 24 ||
 प्रत्यग्रे हरसा हरः शृणीहि विश्वतः प्रति । यातुधानस्य रक्षसो बलं वि रुज वीर्यम् | 25 ||

(19)

88

(म.10, अनु.7)

ऋषिः मूर्धन्वान् आङ्गिरसः, वामदेव्यः वा छन्दः त्रिष्टुप् देवता सूर्यः वैश्वानरः अग्निः च

हविष्पान्तमजरं स्वर्विदि दिविस्पृश्याहुतं जुष्टमग्रौ |
 तस्य भर्मेणे भुवनाय देवा धर्मेणे कं स्वधया पप्रथन्त | 1 ||
 गीर्णं भुवनं तमसापगूळहमाविः स्वरभवञ्जाते अग्रौ |
 तस्य देवाः पृथिवी द्यौरुतापोऽरण्यन्नोषधीः सख्ये अस्य | 2 ||
 देवेभिर्निषितो यज्ञियैर्भिरग्निं स्तोषाण्यजरं बृहन्तम् |

यो भानुना पृथिवीं द्यामुतेमामातृतान् रोदसी अन्तरिक्षम्	॥ 3 ॥
यो होतासीत्प्रथमो देवजुष्टो यं समाञ्जनाज्येना वृणानाः	
स पतत्रीत्वरं स्था जगद्यच्छत्रमग्निरकृणोज्जातवेदाः	॥ 4 ॥
यज्जातवेदो भुवनस्य मूर्धन्नतिष्ठो अग्रे सह रोचनेन	
तं त्वाहेम मतिभिर्गीर्भिरुक्थैः स यज्ञियो अभवो रोदसिप्राः	॥ 5 ॥
मूर्धा भुवो भवति नक्तमग्निस्ततः सूर्यो जायते प्रातरुद्यन्	
मायामू तु यज्ञियानामेतामपो यत्तूर्णिश्चरति प्रजानन्	॥ 6 ॥
दृशेन्यो यो महिना समिद्धोऽरोचत दिवियोनिर्विभावा	
तस्मिन्नग्नौ सूक्तवाकेन देवा हविर्विश्व आजुहवुस्तनूपाः	॥ 7 ॥
सूक्तवाकं प्रथममादिदग्निमादिद्धविरजनयन्त देवाः	
स एषां यज्ञो अभवत्तनूपास्तं द्यौर्वेदु तं पृथिवी तमापः	॥ 8 ॥
यं देवासोऽजनयन्ताग्निं यस्मिन्नाजुहवुर्भुवनानि विश्वा	
सो अर्चिषा पृथिवीं द्यामुतेमामृजुयमानो अतपन्महित्वा	॥ 9 ॥
स्तोमेन हि दिवि देवासो अग्निमजीजनञ्छक्तिभी रोदसिप्राम्	
तमू अकृण्वन्त्रेधा भुवे कं स ओषधीः पचति विश्वरूपाः	॥ 10 ॥
यदेदेनमदधुर्यज्ञियासो दिवि देवाः सूर्यमादितेयम्	
यदा चरिष्णू मिथुनावभूतामादित्प्रापश्यन्भुवनानि विश्वा	॥ 11 ॥
विश्वस्मा अग्निं भुवनाय देवा वैश्वानरं केतुमह्वामकृण्वन्	
आ यस्ततानोषसो विभातीरपो ऊर्णाति तमो अर्चिषा यन्	॥ 12 ॥
वैश्वानरं कवयो यज्ञियासोऽग्निं देवा अजनयन्नजुर्यम्	
नक्षत्रं प्रत्नमर्मिनञ्चरिष्णु यक्षस्याध्यक्षं तविषं बृहन्तम्	॥ 13 ॥
वैश्वानरं विश्वहा दीदिवांसं मन्त्रैरग्निं कविमच्छा वदामः	
यो महिम्ना परिबभूवोर्वा उतावस्तादुत देवः प्रस्तात्	॥ 14 ॥
द्वे स्रुती अशृणवं पितृणामहं देवानामुत मत्यानाम्	
ताभ्यामिदं विश्वमेजत्समेति यदन्तरा पितरं मातरं च	॥ 15 ॥
द्वे समीची बिभृतश्चरन्तं शीर्षतो जातं मनसा विमृष्टम्	
स प्रत्यङ् विश्वा भुवनानि तस्थावप्रयुच्छन् तरणिभ्राजमानः	॥ 16 ॥
यत्रा वदेते अवरः परश्च यज्ञन्योः कतरो नौ वि वेद	
आ शोकुरित्संधुमादं सखायो नक्षन्त यज्ञं क इदं वि वोचत्	॥ 17 ॥
कत्यग्रयः कति सूर्यासः कत्युषासः कत्यु स्विदापः	
नोपस्पिजं वः पितरो वदामि पृच्छामि वः कवयो विद्वाने कम्	॥ 18 ॥

यावन्मात्रमुषसो न प्रतीकं सुपुण्योऽं वसते मातरिश्वः
तावद्धात्युप यज्ञमायन् ब्राह्मणो होतुरवरो निषीदन्

॥ 19 ॥

(18)

89

(म.10, अनु.7)

ऋषिः रेणुः वैश्वामित्रः

छन्दः त्रिष्टुप्

देवता इन्द्रः

इन्द्रं स्तवा नृतमं यस्य म्हा विबबाधे रोचना वि ज्मो अन्तान्

आ यः पप्रौ चर्षणीधृद्वरोभिः प्र सिन्धुभ्यो रिरिचानो महित्वा

स सूर्यः पर्युरू वरांस्येन्द्रो ववृत्याद्रथ्यैव चक्रा

अतिष्ठन्तमपस्यं न सर्गं कृष्णा तमांसि त्विष्या जघान

समानमस्मा अनपावृदर्च क्षमया दिवो असमं ब्रह्म नव्यम्

वि यः पृष्ठेव जनिमान्युर्य इन्द्रश्चिकाय न सखायमीषे

इन्द्राय गिरो अनिशितसर्गा अपः प्रेरयं सर्गरस्य बुधात्

यो अक्षेणेव चक्रिया शचीभिर्विष्वक्तस्तम्भं पृथिवीमुत द्याम्

आपान्तमन्युस्तृपलप्रभर्मा धुनिः शिमीवाञ्छरुमाँ ऋजीषी

सोमो विश्वान्यतसा वनानि नार्वागिन्द्रं प्रतिमानानि देभुः

न यस्य द्यावापृथिवी न धन्व नान्तरिक्षं नाद्रयः सोमो अक्षाः

यदस्य मन्युरधिनीयमानः शृणाति वीळु रुजति स्थिराणि

जघान वृत्रं स्वधितिर्वनेव रुरोज्ज पुरो अरदुन्न सिन्धून्

बिभेद गिरिं नवमिन्न कुम्भमा गा इन्द्रो अकृणत स्वयुग्भिः

त्वं ह त्यदृणया इन्द्र धीरोऽसिर्न पर्वं वृजिना शृणासि

प्र ये मित्रस्य वरुणस्य धाम युजं न जना मिनन्ति मित्रम्

प्र ये मित्रं प्रार्यमणं दुरेवाः प्र संगिरः प्र वरुणं मिनन्ति

न्यमिन्त्रेषु वधमिन्द्र तुमं वृषन् वृषाणमरुषं शिशीहि

इन्द्रो दिव इन्द्र ईशे पृथिव्या इन्द्रो अपामिन्द्र इत्पर्वतानाम्

इन्द्रो वृधामिन्द्र इन्मेधिराणामिन्द्रः क्षेमे योगे हव्य इन्द्रः

प्राक्तुभ्य इन्द्रः प्र वृधो अहभ्यः प्रान्तरिक्षात्प्र समुद्रस्य धासेः

प्र वातस्य प्रथसः प्र ज्मो अन्तात्प्र सिन्धुभ्यो रिरिचे प्र क्षितिभ्यः

प्र शोशुचत्या उषसो न केतुरसिन्वा ते वर्ततामिन्द्र हेतिः

अश्मेव विध्य दिव आ सृजानस्तपिष्ठेन हेषसा द्रोघमित्रान्

अन्वह मासा अन्विद्वनान्यन्वोषधीरनु पर्वतासः

अन्विन्द्रं रोदसी वावशाने अन्वापो अजिहत जायमानम्

कहिं स्वित्सा ते इन्द्र चेत्यासदुघस्य यद्विनदो रक्ष एषत्

मित्रक्रुवो यच्छसने न गावः पृथिव्या आपृगमुया शयन्ते

॥ 1 ॥

॥ 2 ॥

॥ 3 ॥

॥ 4 ॥

॥ 5 ॥

॥ 6 ॥

॥ 7 ॥

॥ 8 ॥

॥ 9 ॥

॥ 10 ॥

॥ 11 ॥

॥ 12 ॥

॥ 13 ॥

॥ 14 ॥

शत्रूयन्तो अ॒भि ये न॑स्त॒त्स्रे महि॑ ब्राध॒न्त ओ॒गुणा॑स॒ इन्द्र॑ ।
 अ॒न्धेना॑मि॒त्रास्त॑र्मसा स॒चन्तां॑ सु॒ज्योति॑षो अ॒क्तव॑स्तां अ॒भि ष्युः ॥ 15 ॥
 पु॒रूणि॑ हि त्वा॒ सर्व॑ना॒ जनानां॑ ब्र॒ह्माणि॑ म॒न्दन् गृ॑ण॒तामृषी॑णाम् ।
 इ॒मामा॑घोष॒न्नव॑सा स॒हृतिं॑ ति॒रो वि॒श्वं अ॑र्च॒तो या॒ह्यर्वा॑ङ् ॥ 16 ॥
 ए॒वा ते॑ व॒यमि॑न्द्र भु॒ञ्जती॑नां वि॒द्याम॑ सु॒मती॑नां न॒वानाम् ।
 वि॒द्याम॑ व॒स्तो॒रव॑सा गृ॒णन्तो॑ वि॒श्वामि॑त्रा उ॒त ते॑ इन्द्र॒ नून॑म् ॥ 17 ॥
 शु॒नं हु॑वेम म॒घवा॑न॒मिन्द्र॑म॒स्मिन् भ॑रे नृ॒तमं॑ वाज॒सातौ ।
 शृ॒ण्वन्त॑मु॒ग्रमू॑तयै॒ सम॑त्सु॒ घ्नन्तं॑ वृ॒त्राणि॑ सं॒जितं॑ ध॒नानाम् ॥ 18 ॥

(16)

90

(म.10, अनु.7)

ऋषिः नारायणः

छन्दः अनुष्टुप् 1-15, त्रिष्टुप् 16

देवता पुरुषः

सह॑स्र॒शीर्षा॑ पुरुषः सह॒स्राक्षः॑ सह॒स्रपा॑त् । स भूमिं॑ वि॒श्वतो॑ वृ॒त्वात्य॑तिष्ठ॒दशाङ्गु॑लम् ॥ 1 ॥
 पु॒रुष॑ ए॒वेदं॑ सर्वं॒ यद्भू॑तं॒ यच्च॑ भ॒व्यम् । उ॒तामृ॑त॒त्वस्ये॑शानो॒ यद॒न्नेना॑ति॒रोह॑ति ॥ 2 ॥
 ए॒तावा॑नस्य महि॒मातो॑ ज्या॒योश्च॑ पू॒रुषः॑ । पा॒दोऽस्य॑ वि॒श्वो भू॑तानि॒ त्रि॒पाद॑स्यामृ॒तं दि॒वि ॥ 3 ॥
 त्रि॒पादूर्ध्वं॑ उ॒दैत्पु॑रुषः॒ पादो॑ऽस्येहा॒भव॑त् पु॒नः । ततो॑ वि॒ष्वङ् व्य॑क्राम॒त्साश॑नान॒शने॑ अ॒भि ॥ 4 ॥
 तस्मा॑द्वि॒राळ॑जायत वि॒राजो॑ अधि॒ पूरु॑षः । स जा॒तो अत्य॑रिच्यत प॒श्चाद्भूमि॑मथो॒ पुरः ॥ 5 ॥
 यत्पु॑रुषेण ह॒विषा॑ दे॒वा य॒ज्ञम॑तन्वत । व॒सन्तो॑ अ॒स्यासी॑दाज्यं॒ ग्रीष्म॑ इ॒ध्मः श॑र॒द्धविः ॥ 6 ॥
 तं य॒ज्ञं ब॑र्हिषि॒ प्रौक्ष॑न् पू॒रुषं॑ जा॒तम॑ग्रतः । तेन॑ दे॒वा अ॑यजन्त सा॒ध्या ऋ॑षयश्च॒ ये ॥ 7 ॥
 तस्मा॑द्य॒ज्ञात् सर्व॑हु॒तः संभृ॑तं पृष॒दाज्य॑म् । प॒शून् ताँश्च॑क्रे वा॒यव्या॑नार॒ण्यान् ग्राम्या॑श्च॒ ये ॥ 8 ॥
 तस्मा॑द्य॒ज्ञात् सर्व॑हु॒त ऋ॒चुः सा॒मानि॑ जज्ञिरे । छ॒न्दांसि॑ जज्ञिरे॒ तस्मा॑द्य॒जुस्तस्मा॑दजायत ॥ 9 ॥
 तस्मा॑द॒श्वा अ॑जायन्त॒ ये के॑ चो॒भया॑दतः । गा॒वो ह॑ जज्ञिरे॒ तस्मा॑त् तस्मा॒ज्जाता॑ अ॒जाव॑र्यः ॥ 10 ॥
 यत्पु॑रुषं॒ व्यद॑धुः क॒तिधा॑ व्य॒कल्प॑यन् । मुखं॑ कि॒मस्य॑ कौ॒ बाहू॑ का॒ ऊरू॑ पा॒दा उ॒च्येते ॥ 11 ॥
 ब्रा॒ह्मणो॑ऽस्य॒ मुख॑मासीद्बाहू॒ राज॑न्यः कृ॒तः । ऊ॒रू तद॑स्य॒ यद्वैश्यः॑ प॒द्भ्यां शू॒द्रो अ॑जायत ॥ 12 ॥
 च॒न्द्रमा॑ म॒नसो॑ जा॒तश्च॑क्षोः॒ सूर्यो॑ अजायत । मु॒खादि॑न्द्रश्चा॒ग्निश्च॑ प्रा॒णाद्वा॒युर॑जायत ॥ 13 ॥
 ना॒भ्या आ॑सीद॒न्तरि॑क्षं शी॒र्षो द्यौः॑ स॒मव॑र्तत ।
 प॒द्भ्यां भूमि॑र्दिशः श्रो॒त्रात्तथा॑ लो॒काँ अ॑कल्पयन् ॥ 14 ॥
 स॒प्तास्या॑सन् परि॒धय॑स्त्रिः स॒प्त स॒मिधः॑ कृ॒ताः ।
 दे॒वा यद्य॑ज्ञं त॒न्वाना॑ अब॒धन् पू॑रुषं प॒शुम् ॥ 15 ॥
 य॒ज्ञेन॑ य॒ज्ञम॑यजन्त दे॒वास्ता॑नि॒ धर्मा॑णि प्रथ॒मान्या॑सन् ।
 ते ह॑ ना॒कं महि॑मानः स॒चन्त॑ यत्र॒ पूर्वं॑ सा॒ध्याः सन्ति॑ दे॒वाः ॥ 16 ॥

सं जागृवद्भिर्जरमाण इध्यते दमे दमूना इषयन्निळस्पदे	
विश्वस्य होता हविषो वरेण्यो विभुर्विभावा सुषखा सखीयते	॥ 1 ॥
स दर्शत्श्रीरतिथिर्गृहेगृहे वनेवने शिश्रिये तक्वीरिव	
जनंजनं जन्यो नाति मन्यते विश् आ क्षेति विश्योर् विशांविशम्	॥ 2 ॥
सुदक्षो दक्षैः क्रतुनासि सुक्रतुरग्रै कविः काव्येनासि विश्ववित्	
वसुर्वसूनां क्षयसि त्वमेक इद् द्यावा च यानि पृथिवी च पुष्यतः	॥ 3 ॥
प्रजानन्नग्रे तव योनिमृत्वियमिळायास्पदे घृतवन्तमासदः	
आ ते चिकित्र उषसांमिवेतयोऽरेपसुः सूर्यस्येव रुश्मयः	॥ 4 ॥
तव श्रियो वृष्यस्येव विद्युत्शिखाश्चिकित्र उषसां न केतवः	
यदोषधीरभिसृष्टो वनानि च परि स्वयं चिनुषे अन्नमास्ये	॥ 5 ॥
तमोषधीर्दधिरे गर्भमृत्वियं तमापो अग्निं जनयन्त मातरः	
तमित्समानं वनिनश्च वीरुधोऽन्तर्वतीश्च सुवते च विश्वहा	॥ 6 ॥
वातोपधूत इषितो वशां अनु तृषु यदन्ना वेविषद्वितिष्ठसे	
आ ते यतन्ते रथ्योर् यथा पृथक्शर्धास्यग्रे अजराणि धक्षतः	॥ 7 ॥
मेधाकारं विदथस्य प्रसाधनमग्निं होतारं परिभूतमं मतिम्	
तमिदमे हविष्या समानमित्तमिन्महे वृणते नान्यं त्वत्	॥ 8 ॥
त्वामिदन्नं वृणते त्वायवो होतारमग्रे विदथेषु वेधसः	
यद्वैवयन्तो दधति प्रयांसि ते हविष्मन्तो मनवो वृक्तबर्हिषः	॥ 9 ॥
तवाग्रे होत्रं तव पोत्रमृत्वियं तव नेष्ट्रं त्वमग्निदृतायतः	
तव प्रशास्त्रं त्वमध्वरीयसि ब्रह्मा चासि गृहपतिश्च नो दमे	॥ 10 ॥
यस्तुभ्यमग्रे अमृताय मर्त्यैः समिधा दाशदुत वा हविष्कृति	
तस्य होता भवसि यासि दूत्यंमुप ब्रूषे यजस्यध्वरीयसि	॥ 11 ॥
इमा अस्मै मृतयो वाचो अस्मदां ऋचो गिरः सुष्टुतयः समंगमत	
वसूयवो वसवे जातवेदसे वृद्धासु चिद्धर्धनो यासु चाकनत्	॥ 12 ॥
इमां प्रत्वाय सुष्टुतिं नवीयसी वोचेयमस्मा उशते शृणोतु नः	
भूया अन्तरा हृद्यस्य निस्पृशे जायेव पत्यं उशती सुवासाः	॥ 13 ॥
यस्मिन्नश्वास ऋषभास उक्षणो वशा मेषा अवसृष्टास आहुताः	
कीलालुपे सोमपृष्ठाय वेधसे हृदा मतिं जनये चारुमग्रये	॥ 14 ॥
अहाव्यग्रे हविरास्ये ते सुचीव घृतं चम्बीव सोमः	
वाजसनिं रयिमस्मे सुवीरं प्रशस्तं धेहि यशसं बृहन्तम्	॥ 15 ॥

ऋषिः शार्यातः मानवः

छन्दः जगती

देवता विश्वे देवाः

यज्ञस्य वो रथ्यं विश्पतिं विशां होतारमृक्तेरतिथिं विभावंसुम्	
शोचञ्छुष्कासु हरिणीषु जर्भुरद्वेषां केतुर्यजतो द्यामशायत	॥ 1 ॥
इममञ्जस्वामुभये अकृण्वत धर्माणमग्निं विदथस्य सार्धनम्	
अक्तुं न यद्दमृषसः पुरोहितं तनूनपातमरुषस्य निसते	॥ 2 ॥
बळस्य नीथा वि पणेश्च मन्महे वया अस्य प्रहुता आसुरत्तवे	
यदा घोरासौ अमृतत्वमाशतादिज्जनस्य दैव्यस्य चर्किरन्	॥ 3 ॥
ऋतस्य हि प्रसितिर्द्यौरुरु व्यचो नमो मह्यशर्मतिः पनीयसी	
इन्द्रो मित्रो वरुणः सं चिकित्रिरेऽथो भगः सविता पूतदक्षसः	॥ 4 ॥
प्र रुद्रेण ययिना यन्ति सिन्धवस्तिरो महीमर्मतिं दधन्विरे	
येभिः परिज्मा परियन्नुरु ज्रयो वि रोरुवज्जठरे विश्वमुक्षते	॥ 5 ॥
क्राणा रुद्रा मरुतो विश्वकृष्टयो दिवः श्येनासो असुरस्य नीळयः	
तेभिश्चष्टे वरुणो मित्रो अर्यमेन्द्रो देवेभिरर्वशेभिरर्वशः	॥ 6 ॥
इन्द्रे भुजं शशमानास आशत सूरु दशीके वृषणश्च पौंस्ये	
प्र ये न्वस्यार्हणा ततक्षिरे युजं वज्रं नृषदनेषु कारवः	॥ 7 ॥
सूरश्चिदा हरितो अस्य रीरमदिन्द्रादा कश्चिद्भयते तवीयसः	
भीमस्य वृष्णो जठरादभिश्चसो दिवेदिवे सहुरिः स्तन्नबाधितः	॥ 8 ॥
स्तोमं वो अद्य रुद्राय शिक्से क्षयद्वीराय नमसा दिदिष्टन	
येभिः शिवः स्ववाँ एव्यावभिर्दिवः सिषक्ति स्वयशा निकामभिः	॥ 9 ॥
ते हि प्रजाया अभरन्त वि श्रवो बृहस्पतिर्वृषभः सोमजामयः	
यज्ञैरथर्वा प्रथमो वि धारयद्देवा दक्षैर्भृगवः सं चिकित्रिरे	॥ 10 ॥
ते हि द्यावापृथिवी भूरिरेतसा नराशंसश्चतुरङ्गो यमोऽदितिः	
देवस्त्वष्टा द्रविणोदा ऋभुक्षणः प्र रोदसी मरुतो विष्णुरहिरे	॥ 11 ॥
उत स्य न उशिजांमुर्विया क्विरहिः शृणोतु बुध्योर्हवीमनि	
सूर्यामासां विचरन्ता दिविक्षिता धिया शमीनहुषी अस्य बोधतम्	॥ 12 ॥
प्र नः पूषा चरथं विश्वदैव्योऽपां नपादवतु वायुरिष्टये	
आत्मानं वस्यो अभि वातमर्चत तदश्विना सुहवा यामनि श्रुतम्	॥ 13 ॥
विशामासामभयानामधिक्षितं गीर्भिरु स्वयशसं गृणीमसि	
ग्राभिर्विश्वाभिरदितिमन्वर्णमृक्तेर्युवानं नृमणा अधा पतिम्	॥ 14 ॥
रेभदत्रं जनुषा पूर्वा अङ्गिरा ग्रावाण ऊर्ध्वा अभि चक्षुरध्वरम्	
येभिर्विहाया अभवद्विचक्षणः पार्थः सुमेकं स्वधित्तिर्वनन्वति	॥ 15 ॥

ऋषिः तान्वः पार्थ्यः छन्दः प्रस्तारपङ्क्तिः 1,4-8,10,12,14, अनुष्टुप् 2-3,13, (अक्षरैः) पङ्क्तिः 9,
न्यङ्कुसारिणी 11, पुरस्ताद्ब्रह्मती 15 देवता विश्वे देवाः

महिं द्यावापृथिवी भूतमुर्वी नारीं युद्धी न रोदसी सदं नः |
तेभिर्नः पातं सह्यस एभिर्नः पातं शूषणि || 1 ||
यज्ञेयज्ञे स मर्त्यो देवान्त्संपर्यति । यः सुमैर्दीर्घश्रुत्तम आविवासात्येनान् || 2 ||
विश्वेषामिरज्यवो देवानां वार्महः । विश्वे हि विश्वमहसो विश्वे यज्ञेषु यज्ञियाः || 3 ||
ते घा राजानो अमृतस्य मन्द्रा अर्यमा मित्रो वरुणः परिज्मा |
कद्रुद्रो नृणां स्तुतो मरुतः पूषणो भगः || 4 ||
उत नो नक्तमपां वृषण्वसू सूर्यामासा सदनाय सधन्या । सचा यत्साद्येषामहिर्बुधेषु बुध्यः || 5 ||
उत नो देवावश्विना शुभस्पती धामभिर्मित्रावरुणा उरुष्यताम् |
महः स राय एषतेऽति धन्वेव दुरिता || 6 ||
उत नो रुद्रा चिन्मृळतामश्विना विश्वे देवासो रथस्पतिर्भगः |
ऋभुर्वाजं ऋभुक्षणः परिज्मा विश्ववेदसः || 7 ||
ऋभुऋभुक्षा ऋभुर्विधतो मद आ ते हरीं जूजुवानस्यं वाजिना |
दुष्टं यस्य सामं चिदधग्यज्ञो न मानुषः || 8 ||
कृधी नो अहयो देव सवितः स च स्तुषे मघोनाम् |
सहो न इन्द्रो वह्निभिर्न्येषां चर्षणीनां चक्रं रश्मिं न योयुवे || 9 ||
एषु द्यावापृथिवी धातं महदुस्मे वीरेषु विश्वचर्षणि श्रवः |
पृक्षं वाजस्य सातये पृक्षं रायोत तुर्वणे || 10 ||
एतं शंसमिन्द्रास्मयुष्टं कूचित्सन्तं सहसावन्नभिष्टये सदा पाह्यभिष्टये |
मेदतां वेदतां वसो || 11 ||
एतं मे स्तोमं तना न सूर्यो द्युतद्यामानं वावृधन्त नृणाम् |
संवर्नन् नाश्व्यं तष्टेवानपच्युतम् || 12 ||
वावर्तु येषां राया युक्तैषां हिरण्ययी । नेमधिता न पौस्या वृथैव विष्टान्ता || 13 ||
प्र तद्दुःशीमे पृथवाने वेने प्र रामे वोचमसुरे मघवत्सु |
ये युक्त्वाय पञ्च शतास्मयु पथा विश्राव्येषाम् || 14 ||
अधीन्वत्र सप्ततिं च सप्त च । सद्यो दिदिष्ट तान्वः सद्यो दिदिष्ट पार्थ्यः सद्यो दिदिष्ट मायवः || 15 ||

ऋषिः अर्बुदः काद्रवेयः सर्पः छन्दः जगती 1-4,6,8-13, त्रिष्टुप् 5,7,14 देवता ग्रावाणः

प्रैते वदन्तु प्र वयं वदाम् ग्रावभ्यो वाचं वदता वदद्भ्यः |
यदद्रयः पर्वताः साकमाशवः श्लोकं घोषं भरथेन्द्राय सोमिनः || 1 ||

एते वदन्ति शतवत्सहस्रवदभि क्रन्दन्ति हरितेभिरासभिः	
विष्ठी ग्रावाणः सुकृतः सुकृत्यया होतुश्चित्पूर्वो हविरद्यमाशत	॥ 2 ॥
एते वदन्त्यविदन्नना मधु न्यूङ्ख्यन्ते अधि पक्व आमिषि	
वृक्षस्य शाखांमरुणस्य बप्सतस्ते सूभर्वा वृषभाः प्रेमराविषुः	॥ 3 ॥
बृहद्वदन्ति मदिरेण मन्दिनेन्द्रं क्रोशन्तोऽविदन्नना मधु	
संरभ्या धीराः स्वसृभिरनर्तिषुराघोषयन्तः पृथिवीमुपब्दिभिः	॥ 4 ॥
सुपर्णा वाचमक्रतोप द्यव्याखुरे कृष्णा इषिरा अनर्तिषुः	
न्यङ्ङि यन्त्युपरस्य निष्कृतं पुरू रेतो दधिरे सूर्यश्वितः	॥ 5 ॥
उग्राइव प्रवहन्तः समायमुः साकं युक्ता वृषणो बिभ्रतो धुरः	
यच्छ्रसन्तो जगसाना अराविषुः शृण्व एषां प्रोथथो अर्वतामिव	॥ 6 ॥
दशावनिभ्यो दशकक्ष्येभ्यो दशयोक्त्रेभ्यो दशयोजनेभ्यः	
दशाभीशुभ्यो अर्चताजरैभ्यो दश धुरो दश युक्ता वहद्भ्यः	॥ 7 ॥
ते अद्रयो दशयन्त्रास आशवस्तेषामाधानं पर्येति हर्यतम्	
त ऊ सुतस्य सोम्यस्यान्धसोऽशोः पीयूषं प्रथमस्य भेजिरे	॥ 8 ॥
ते सोमादो हरी इन्द्रस्य निसर्तेऽशुं दुहन्तो अध्यासते गवि	
तेभिर्दुग्धं पपिवान्तसोम्यं मध्विन्द्रो वर्धते प्रथते वृषायते	॥ 9 ॥
वृषा वो अंशुर्न किला रिषाथनेळावन्तः सद्मिस्त्थनाशिताः	
रैवत्येव महसा चारवः स्थन् यस्य ग्रावाणो अजुषध्वमध्वरम्	॥ 10 ॥
तृदिला अर्तदिलासो अद्रयोऽश्रमणा अशृथिता अमृत्यवः	
अनातुरा अजराः स्थामविष्णवः सुपीवसो अर्तषिता अर्तृष्णजः	॥ 11 ॥
ध्रुवा एव वः पितरो युगेयुगे क्षेमकामासः सदसो न युञ्जते	
अजुर्यासो हरिषाचो हरिद्रव आ द्यां रवेण पृथिवीमशुश्रवुः	॥ 12 ॥
तद्वदन्त्यद्रयो विमोचने यामन्नञ्जस्पाइव घेदुपब्दिभिः	
वपन्तो बीजमिव धान्याकृतः पृञ्चन्ति सोमं न मिनन्ति बप्सतः	॥ 13 ॥
सुते अध्वरे अधि वाचमक्रता क्रीळयो न मातरं तुदन्तः	
वि षू मुञ्चा सुषुवुषो मनीषां वि वर्तन्तामद्रयश्चायमानाः	॥ 14 ॥

| इति अष्टमाष्टके चतुर्थोऽध्यायः समाप्तः ।